

Cyngor Cymuned Llanystumdwy

Rhaglen waith y Cyngor-nos Iau, 7fed o Dachwedd, 2019 yn brydlon am 7:00 y.h. yn **Festri Capel Pencaenewydd.**

1. Ymddiheuriadau.
2. Cyflwyno a chadarnhau cofnodion cyfarfod y Cyngor gynhaliwyd ar 3ydd o Hydref 2019.
3. Llofnodi cadarnhâd taliadau BACS mis Hydref 2019 gan y Cadeirydd.
4. Materion yn codi o'r cofnodion.
5. Datgan buddiant personol.
6. Cyngor Gwynedd.

7. Cyngor Gwynedd - ceisiadau cynllunio yn y gymuned - dim

8. **Hafan y Môr**- cyhoedduswydd ac ymgynghori cyn gwneud cais am ganiatâd cynllunio. *"Dymchwel 56 o 'randai', creu 165 safle ar gyfer lleoli carafannau statig llety tîm, caffi traeth gan gynnwys teras a man chwarae, amddiffynfeydd arfordirol newydd, adlinio Llwybr Arfordir Cymru yn ogystal a thirlunio cysylltiedig, draenio, gwaith mynediad a seilwaith."* **Gellir gweld y manylion ar www.hafanymorconsultation.co.uk, ac maent angen sylwadau erbyn 26.11.2019.**

9. Binau halen o fewn y gymuned - mae 5 ohonynt:-

- ger Gwyddfor, Chwilog,
- Pentyrch Uchaf, Llangybi,
- rhwng y Bont a Chapel y Beirdd, Bryn Beddau, Rhoslan a
- Tan yr Erw, Lon Gefn Llanystumdwy.

Mae angen cadw golwg ar faint o halen sydd ynddynt yn gyson yn ystod y gaeaf, a gadael i'r Clerc wybod os oes angen ei llenwi.

10. **Bwrdd Iechyd** - derbyniwyd eost gan Mabon ap Gwynfor, yn dweud fod y Bwrdd Iechyd yn gobeithio arbed £25,000.00 y flwyddyn trwy newid 'rota' nyrsus a'i gorfodi i weithio 'shiff' yn ychwanegol y mis yn ddi-dâl. Roeddent hefyd wedi talu £2,000.00 y diwrnod i ymgynghorydd i'w cynghori ar doriadau ariannol. **Angen trafod.**

11. Cynnal a chryfhau Bioamrywiaeth o fewn y gymuned

Derbyniwyd eost gan Un Llais Cymru 06.09.19, yn dweud ei bod yn ofynnol i awdurdodau cyhoeddus (gan gynnwys Cynghorau Cymuned & Thref) o dan Ddeddf yr Amgylchedd Cymru 2016, Adran 6, i baratoi a chyhoeddi cynllun yn amlinellu'r hyn y bwriadant ei wneud i gydymffurfio â'r ddyletswydd i Gynnal a Chryfhau Bioamrywiaeth o fewn eu meysydd gwaith presennol.

Dylid cyhoeddi adroddiad cyn diwedd 2019, a phob 3 mlynedd wedyn, yn dangos beth mae'r awdurdod cyhoeddus wedi ei wneud i gydymffurfio â'r dyletswydd i gynnal a chryfhau bioamrywiaeth o fewn neu meysydd gwaith presennol.

Derbyniwyd bwletin newyddion arall gan Un Llais Cymru wedyn ar 19.09.19 yn dweud

“rhoddodd Llywodraeth Cymru wybod i Un Llais Cymru y cyhoeddir Canllawiau maes yn y dyfodol agos”. Y Clerc wedi derbyn ambell ddogfen, ond dim canllawiau penodol - **Angen trafod**

12. Deall Lleoedd yng Nghymru - ‘www.understandingwelshplaces.wales’ gwefan ddwyieithog sy’n cyflwyno data am fwy na 300 o drefi a chymunedau yng Nghymru ar ffurf sy’n hawdd i’w ddefnyddio. Pwrpas yr adnodd hwn yw archwilio data am leoedd unigol, gall pobl gymharu eu tref gyda lleoedd eraill, a dod i wybod mwy am berthynas eu tref gyda chymunedau cyfagos ac eraill ar draws Cymru. Cafodd y prosiect ei arianu gan Ymddiriedolaeth Carnegie a Llywodraeth Cymru.

Mae’n cynnwys data am swyddi, ysgolion, siopau a llawer mwy, y cyfan ar lefel tref. *Mae’r mater isod wedi dod i’r amlwg, sef, “fod y llunwyr wedi anwybyddu Yr Wyddor Gymraeg yn gyfangwbl, ac wedi trin y Gymraeg fel pe bai ei strwythur yr un fath a’r Saesneg. Dim ond Yr Wyddor Saesneg sydd yn cael ei harddangos ar y wefan ac nid yw neb callach bod llythrennau gwahanol yn ein hiaith, - pe byddai Chwilog ar y rhestr byddai o dan C yn hytrach na Ch, - mae pob Llan o dan L yn hytrach nag LL”.* **Angen trafod.**

13. Materion yn y gymuned.

Llanarmon

Llanystumdwy

Rhoslan /Ynys

Chwilog

14. Llwybr troed o Chwilog i Afonwen

Clerc wedi anfon y llythyr at Mr Dylan Jones, Rheolwr Uned Traffig, Cyngor Gwynedd, yn datgan ein pryderon am y lon fel ag y mae ar hyn o bryd.

Y Cynghorydd Aled Evans a’r Cadeirydd wedi trosglwyddo’r ddeiseb i’r Aelod Cabinet, Mr Gareth Griffith, a’r gobaith yw y bydd sylw o hyn yn cael ei wneud yn y wasg yn ystod yr wythnosau nesaf. **Derbyniwyd cyngor i ni gysylltu ymhellach hefo’n Aelod Cynulliad gan mai gwneud cais am arian i’r cynulliad fydd raid, i geisio denu arian o dan Ddeddf Llesiant Cenedlaethau'r Dyfodol.**

15. Glanywern, Chwilog - cwynion wedi cael ei derbyn yn dweud fod ceir yn dal i barcio ar y llinellau melyn weithiau a bod cerbydau yn cael trafferth pasio - **Y Clerc wedi pasio’r mater i sylw Cyngor Gwynedd gan anfon lluniau, ac awgrymu fod angen i swyddog fynd yno i roi dirwy arnynt.**

16. Maes chwarae Maes Myrddin, Chwilog - derbyniwyd llythyr gan Reolwr Prosiect Priffyrdd Cyngor Gwynedd, yn dweud oherwydd sefyllfa y toriadau ariannol, ei bod eisiau i ni ystyried y canlynol:-

- adnabod os oes gennym ddiddordeb ac yn fodlon ystyried cymryd cyfrifoldeb mewn egwyddor am y maes chwarae uchodd.
- Os oes gennym unrhyw wybodaeth leol allai awgrymu y buasai eraill fel grwpiau cymunedol cofrestredig yn barod i ystyried cymryd cyfrifoldeb am reoli’r maes chwarae yn y gymuned.
- A oes diddordeb gan ein cymuned ddatblygu ffordd o weithio gyda’n gilydd i ddatblygu ffordd ymlaen a dod ynghyd ag opsiynau unai i drosglwyddo neu weithio mewn partneriaeth. **Maent angen ymateb cyn y 31ain o Rhagfyr 2019.**

Pencaenewydd/Sardis

Llangybi

17. **Cae chwarae, Llangybi** – Y Clerc wedi trafod y matiau du hefo’r contractwr oedd yn gyfrifol am gynnal a chadw’r cae chwarae eleni, ac fe wnaeth cadarnhau y byddai wedi ei chwistrelu hefo peiriant dwr i’w glanhau **ar fyrder**.

Materion Ariannol

18. Adroddiad Ariannol gan y Clerc a’r Swyddog Ariannol Cyfrifol. Hefyd cadw golwg manwl ar y gwariant sydd eisioes wedi ei wneud, ac y rhagwelir sydd angen ei wneud, drwy ffurf rhestr ‘excel’.

Angen i’r Cadeirydd lofnodi’r ddogfen, fydd yn cael ei diweddarau’n fisol.

- Elusen William Ellis – angen rhoi hysbyseb yn Y Ffynnon ac o flaen y Neuadd yn Llanystumdwy fis Tachwedd 2019.
- Hysbyseb ceisiadau am Gymorth Ariannol gan fudiadau o fewn dalgylch y Cyngor - angen ei roi yn Y Ffynnon, rhifyn mis Tachwedd a Rhagfyr gyda dyddiad cau 15fed Ionawr 2020.

19. **Glanhau Llochesi bws** – trafod y prisiau a dderbyniwyd yn ystod y mis, a pha mor aml fydd angen ei glanhau.

20. **Hysbysfwrdd** – angen trafod prisiau a dderbyniwyd:-

- Capel Pencaenewydd
- Neuadd Chwilog
- Llanystumdwy
- Rhoslan

21. **Eisteddfod Genedlaethol 2021**

22. **Archwiliad Ariannol Allannol** gan gwmni BDO – y Clerc wedi derbyn cadarnhad fod yr archwiliad allannol wedi cael ei gwblhau a’i gymeradwyo ar 26.10.19. Bydd y ffurflen flynyddol gan y Clerc yn y cyfarfod er mwyn ei chymeradwyo a’i derbyn gan y Cyngor, ac yna bydd y ffurflen flynyddol a’r hysbysiadau yn cael ei arddangos yn y manau priodol yn y wardiau, ac ar y wefan.

23. **Cylch gorchwyl** – oherwydd fod gan y Cyngor bwyllgorau eraill dylid sefydlu cylch gorchwyl yn cynnwys unrhyw ddirprwyo awdurdod ar gyfer unrhyw bwyllgor arall (cyn gynted â phosibl neu o leiaf cyn diwedd y flwyddyn ariannol gyfredol). Gellir cael arweiniad gan Un Llais Cymru. Y Clerc am wneud ymholiadau.

24. Anfonebau angen eu talu:- drwy BACS.

Enw	Rheswm	Pris £	TAW £	Cyfanswm £	Taliad BACS
Cyngor Gwynedd	Archwilio Mewnol (007950C0013953J)	135.00	27.00	162.00	162.00

Cyflog mis Hydref 2019 y Clerc i'w rannu rhwng y Clerc a Chyllid a Thollau EM:-

Enw/Rheswm	Swm £	Cyfanswm Taliad net £	Taliad siec rhif:-
Cyflog sylfaenol y Clerc, Hydref 2019 35 awr x £10.37 =	362.95-llai treth £72.60	<u>290.35</u>	101139
Cyllid a Thollau EM- Treth ar enillion y Clerc Hydref 2019	362.95 x 20% = llai treth £72.60	<u>72.60</u>	101140
Costau'r Clerc Hydref 2019 Cost postio i'r BDO Stamp i anfon rhaglen i'r Cynghorydd W.I.Hughes	16.00 2.26 0.61	<u>18.87</u>	101141

25. Polisi Rheolau Ariannol arwahan i'r Rheolau Sefydlog.

Yn dilyn adroddiad gan yr archwilio allannol, fe ofynwyd i'r cyngor fabwysiadu polisi ar gyfer yr uchod. Mae aelodau o'r Pwyllgor Polisi wedi creu dogfen bwrpasol, ac mae'r Clerc wedi ei anfon drwy ebost at weddill aelodau'r Pwyllgor Polisi a Busnes i weld os oes angen ychwanegu neu newid rhywbeth. **Bydd angen trafod y mater, ac os yn bosibl i fabwysiadu'r polisi, ei arwyddo, a'i roi ar ein gwefan.**